

文章辨體卷之十二

海虞後學吳訥編集

古詩三

五言二

感遇

唐陳伯玉

伯玉字子昂武后時上書言山陵事擢麟臺正字  
 遷拾遺劉氏曰唐初詩人承陳隋流靡之餘而伯  
 玉獨能追變正雅作感遇詩三十八首時人宗之  
 然其詞旨往往過於深邃故晦翁以物外奇寶為  
 喻今擇其詞暢理順者冠于唐詩之首蓋以其能  
 橫制頽波開先作者後學可不知其所自哉  
 微月生西海幽陽始化昇圓光正東滿陰魄已朝疑太極生天  
 地三光更廢興至精諒斯在三五誰能徵

林居病時久水木澹孤清閑卧觀物化悠悠念群生青春始萌  
達朱火已滿羸搖落方自此感歎何時平

聖人不利已憂濟在元元黃屋非充意瑤臺安可論吾聞西方  
化清淨道彌敦奈何窮金玉彫刻以爲尊雲構山林盡瑤圖珠  
翠煩鬼功尚未可人力安能存夸愚適增累矜知道逾昏

可憐瑤臺灼灼佳人姿碧華映朱實攀折青春時豈不盛光  
寵榮君白玉墀但恨紅芳歇凋傷感所思

蘭若自春夏芊蔚何青青幽獨空林色朱蕤冒紫莖遲遲白日  
晚嫋嫋秋風生歲華盡搖落芳意竟何成

翡翠巢南海雌雄珠對林何知美人意驕愛比黃金殺身炎洲  
裏委羽玉堂陰旖旎光首飾威蕤爛錦衾豈不在遐遠虞羅忽  
見尋多利信爲累歎息比珍禽

玄蟬號白露茲歲忽蹉跎群物從大化孤英將奈何瑤臺有青

鳥遠食玉山未崑崙見玄鳳豈復憂虞羅

吾愛鬼谷子青谿無垢氛囊括經世道遺身在白雲七雄方龍  
鬪天下久無君浮榮不足貴遵養晦時文舒可彌六合卷之不  
盈分豈同山木壽空與麋鹿羣

竭來豪遊子勢利禍之門如何蘭膏歇感激自生冤衆趨明所  
避時弃道猶存雲泉既已失羅網與誰論箕山有高節湘水有  
清源唯應白鷗鳥可爲洗心言

樂羊爲魏將食子殉軍功骨肉且相薄他人安得忠吾聞中山  
相乃屬放麇翁孤獸猶不忍况以奉君終

古風

李太白

太白天寶中爲翰林供奉嘗曰齊梁以來艷薄斯  
極又尚以聲律將作王道非我而誰故作古風其  
才氣逸邁有可尚云

大雅久不作。吾衰竟誰陳。王風委蔓草。戰國多荆榛。龍虎相啖  
食。兵戈逮狂秦。正聲何微茫。哀怨起騷人。揚馬激頽波。開流滂  
無垠。廢興雖萬變。憲章亦已淪。自從建安來。綺麗不足珍。聖代  
復元古。巫衣貴清真。群才屬休明。承運共躡鱗。文質相炳煥。衆  
星羅秋旻。我志在刪述。垂輝映千春。希聖如有立。絕筆於獲麟。  
代馬不思越。越禽不戀燕。情性有所習。風土固其然。昔別鴈門  
關。今戍龍庭前。驚沙亂海日。飛雪迷胡天。蟻蝨生虎鬚。心蒐逐  
旌旃。苦戰功不賞。忠誠難可宣。誰憐李飛將。白首沒三邊。

郢客吟白雪。遺響飛青天。徒勞歌此曲。舉世誰爲傳。試爲巴人  
唱。和者乃數千。吞聲何足道。嘆息空凄然。

越客採明珠。提攜出南隅。清輝照海月。美價傾皇都。獻君君按  
劍。懷寶空長吁。魚目復相哂。寸心增煩紆。

世道日交喪。澆風散淳源。不採芳桂枝。反棲惡樹根。所以桃李

樹吐花竟不言大運有興沒群動爭飛奔歸來廣成子去入無窮門

鳳飢不啄粟所食唯琅玕焉能與羣鷄刺蹙爭一餐朝鳴崑丘對夕飲砥柱湍歸飛海路遠獨宿天霜寒幸遇王子晉結交青雲端懷思未得報感別空長嘆

燕臣昔慟哭五月飛秋霜庶女號蒼天震風擊齊堂精誠有所感造化爲悲傷而我竟何辜遠身金殿傍浮雲蔽紫闥白日難回光蓬沙穢明珠衆草凌孤芳古來共嘆息流淚空霑裳

青春流驚湍朱明驟回薄不忍看秋蓬飄揚竟何託光風滅蘭蕙白露洒芙蓉善人不我期草木日零落

莊周夢胡蝶胡蝶爲莊周一體更變化萬事良悠悠乃知蓬萊水復作清淺流青門種瓜人舊日東陵侯富貴固如此營營何所求

君平既弃世世亦弃君平觀變窮太易探元化羣生寂寞綴道  
論空簾閉幽情騶虞不虛來鸞鷲有時鳴安知天漢上白日懸  
高名海客去已久誰能測沉冥

四皓

白髮四老人昂藏南山側偃臥松雪間宜翳不可識雲窓拂青  
靄石壁橫翠色龍虎方戰爭於焉自休息秦人失金鏡漢祖昇  
紫極陰虹濁太陽前星遂淪匿一行佐明聖倏起生羽翼功成  
身不居舒卷在曾臆宵冥合元化茫昧信難測飛聲塞天衢萬  
古仰遺則

尋陽紫極宮感秋作

何處聞秋聲脩脩北牕竹迥薄萬古心攬之不盈掬靜坐觀衆  
妙浩然媚幽獨白雲南山來就我簷下宿嬾從唐生訣羞訪季  
主卜四十九年非一往不可復野情轉瀟灑世道有翻覆陶令

學來田家酒應熟

春日獨酌

我有些紫霞想。緬懷滄洲間。且對一樽酒。澹然萬事閑。橫琴倚高松。把酒望遠山。長空去鳥沒。落日孤雲還。但悲光景晚。宿昔成秋顏。

春日醉起言志

處世若大夢。胡爲勞其生。所以終日醉。頽然臥前楹。覺來眄庭前。一鳥花間鳴。借問此何時。春風語流鶯。感之欲嘆息。對酒還自傾。浩歌待明月。曲盡已忘情。

自京赴奉先縣詠懷

杜子美

子美仕肅宗爲左拾遺。以直言失官。流離秦蜀。嚴武表爲節度參謀檢校工部員外郎。學優才贍。故其詩兼備衆體。而述綱常繫風教之作爲多。世號

詩史元微之謂古今詩人未有如子美者也

杜陵有布衣老大意轉拙許身一何愚竊比稷與契居然成濩落白首甘契濶蓋棺事則已此志常覬豁窮年憂黎元嘆息腸內熱取笑同學翁浩歌彌激烈非無江海志瀟灑送日月生逢堯舜君不忍便永訣當今廊廟具構厦豈云缺葵藿傾太陽物性固莫奪顧惟螻蟻輩但自求其穴胡爲慕大鯨輒擬偃溟渤以茲悟生理獨耻事干謁兀兀遂至今忍爲塵埃沒終愧巢與由未能易其節沉飲聊自適放歌頗愁絕歲暮百草零疾風高岡裂天衢陰岬嶭客子中夜發霜嚴衣帶斷指直不得結凌晨過驪山御榻在喘嶮蚩尤塞寒空蹴踏崖谷滑瑤池氣鬱律羽林相摩戛君臣畱歡娛樂動殷穆囑賜浴皆長纓與宴非短褐彤庭所分帛本自寒女出鞭撻其夫家聚歛貢城關聖人筐篚恩實欲邦國活臣如忽言豆棄此物多士盈朝廷仁者宜



戰慄况聞內金盤蓋在衛霍室中堂有神仙烟霧蒙玉質煖  
貂鼠裘悲管逐清瑟勸客馳蹄羹霜橙壓香橘朱門酒肉具  
有凍死骨榮枯咫尺異惆悵難再述北轍就涇渭官渡又改轍  
羣水從西下極目高崒兀疑是崆峒來恐觸天柱折河梁幸未  
折枝撐聲寒率行旅相攀援川廣不可越老妻既異縣十口隔  
風雪誰能久不顧庶往共飢渴入門聞號咷幼子飢已卒吾寧  
捨一哀里巷亦嗚咽所愧爲人父無食致夭折豈知秋禾登貧  
妻有倉卒生常免租稅名不隸征伐撫迹猶酸辛平人固騷屑  
默思失業徒因念遠戍卒憂端殊終南頽洞不可撥

### 北征

至德二年子美自賊窟歸鳳翔謁肅宗授左拾遺  
時家在鄜州所在寇多彌年艱窶孺弱至餓死者  
有墨制許自省視八月之吉公始北征徒步至三

川迎妻子故有是詩東坡嘗云北征詩識君臣之  
大體忠義之氣與秋色華高可貴也孫華老嘗謂  
老杜北征勝退之南山詩王平甫謂南山勝北征  
終不能相服時山谷尚少乃曰若論工巧則北征  
不及南山若書一代之事與國風雅頌相爲表裏  
則北征不可無而南山雖不作未害也二公之論  
遂定

皇帝二載秋閏八月初吉杜子將北征蒼茫問家室維時遭艱  
虞朝野少暇日顧慙恩私被詔許歸蓬華拜辭請闕下怵惕久  
未出雖乏諫諍姿恐君有遺失君誠中興主經緯固密勿東胡  
反未已臣甫憤所切揮涕戀行在道途猶恍惚乾坤含瘡痍憂  
虞何時畢靡靡踰阡陌人烟耿蕭瑟所遇多被傷呻吟更流血  
回首鳳翔縣旌旗晚明滅登寒山重巖得飲馬窟邠郊入北

底涇水中蕩潏猛虎立我前蒼崖吼時裂菊萼今秋花石戴古  
車轍青雲動高興幽事亦可悅山果多瑣細羅生雜橡栗或紅  
如丹砂或黑如點漆雨露之所濡甘苦齊結實緬思桃源內益  
嘆身世拙坡陀望鄜時谷巖互出沒我行巴水濱我僕猶木末  
鳴鳥鳴黃桑野鼠拱亂穴夜深經戰場寒月照白骨潼關百萬  
師往者散何卒遂令半秦民殘害爲異物况我墮胡塵及歸盡  
華髮經年至茅屋妻子衣百結慟哭松聲回悲泉共幽咽平生  
所驕兒顏色白勝雪見爺背面啼垢膩脚不襪牀前兩小女補  
綻纔過膝海圖拆波濤舊繡移曲折天吳及紫鳳顛倒在短褐  
老夫情懷惡嘔泄臥數日那無囊中帛救汝寒凜慄粉黛亦解  
包衾裯稍羅列瘦妻面復光癡女頭自飾學母無不爲曉粧隨  
手抹移時施朱鈿狼籍畫眉闊生還對童稚侶欲忘飢渴問事  
競挽鬢誰能卽嗔喝翻思在賊愁甘受雜亂聒新歸且慰意生

理焉得說至尊尚蒙塵幾日休練卒仰看天色改旁覺妖氣豁  
陰風西北來慘澹隨回紇其王願助順其俗喜馳突送兵五千  
人驅馬一萬匹此輩少爲貴四方服勇決所用皆鷹騰破敵過  
箭疾聖心頗虛佇時議氣欲奪伊洛指掌收西京不足拔官軍  
請深入蒼黃銳伺俱發此舉開青徐旋瞻略恒碣昊天積霜露正  
氣有肅殺禍轉亡胡歲勢成擒胡月胡命其能久皇綱未宜絕  
憶昨狼狽初事與古先別奸臣競菹醢同惡隨蕩析不聞夏殷  
衰中自誅褒姒周漢復再興宣光果明哲桓桓陳將軍仗鉞奮  
忠烈微爾人盡非于今國猶活淒涼大同殿寂寞白獸闕都人  
望翠華佳氣向金關園陵固有神掃洒數不缺煌煌太宗業對  
立甚宏達

述古

赤驥頰長纓非無萬里姿悲鳴淚至地爲問馭者誰鳳凰從天

來何意復高飛。竹花不結實。念子忍朝飢。古來君臣合。可以物  
理推。賢人識定分。進退固其宜。

市人日中集。於利競錐刀。置膏烈火上。哀哀自煎熬。農人望歲  
愁。相率除蓬蒿。所務穀爲本。邪贏無乃勞。舜舉十六相。身尊道  
一。商鞅時任商鞅。法令如牛毛。

漢光得天下。祚未固有開。豈惟高祖聖。功自蕭曹來。經綸中興  
業。何代無長材。吾慕寇鄧勲。濟時信良哉。耿賈亦宗臣。羽翼共  
徘徊。休運終四百。圖畫在雲臺。

新婚別

兔絲附蓬麻。引蔓故不長。嫁女與征夫。不如弃路傍。結髮爲妻  
子。席不暖君牀。暮婚晨告別。無乃太匆忙。君行雖不遠。守邊赴  
河陽。妾身未分明。何以拜姑嫜。父母養我時。日夜令我藏。生女  
有所歸。雞狗亦得將。君今往死地。沉痛迫中腸。誓欲隨君往。形

勢反蒼黃。勿爲新婚念。努力事戎行。婦人在軍中。兵氣恐不揚。自嗟貧家女。久致羅襦裳。羅襦不復施。對君洗紅粧。仰視百鳥。飛大小必雙翔。人事多錯迕。與君未相望。

遺興

陶潛避俗翁。未必能達道。觀其著詩集。頗亦恨枯槁。達生豈是足。默識蓋不早有子。賢與愚。何其挂懷抱。

賀公雅吳語。在位常清狂。上疏乞骸骨。黃冠歸故鄉。爽氣不可致。斯人今則亡。山陰一茅宇。江海日淒涼。

吾憐孟浩然。短褐卽長夜。賦詩何必多。往往凌鮑謝。清江空舊魚。春雨餘甘蔗。每望東南雲。令人幾悲吒。

劍門

惟天有設險。劍門天下壯。連山抱西南。石角皆北向。兩崖蒼黛。倚刻畫城郭。狀一夫怒臨關。百萬未可傍。珠玉走中原。岷峨氣

樓愴三皇五帝前  
鷄犬莫相放後王  
尚柔遠織貢道已  
喪至今  
英雄人高視見霸王  
并吞與割據極力不  
相讓吾將罪真宰意  
欲鍤鼻嶂恐此復偶  
然臨風默惆悵

田家雜興

儲光義

春至倉庚鳴薄言向  
田墅不能自力作龜  
勉取隣女旣念生子  
孫方思贖田圃間時  
相顧笑喜悅好禾黍  
夜夜登嘯臺南望洞  
庭渚百草被霜露秋  
山響砧杵却羨故年  
時中情無所取

梧桐陰我門薜荔網  
我屋超超兩夫婦朝  
出暮還宿稼穡旣自  
種牛羊還自牧日旰  
懶畊鋤登高望川陸  
空山足禽獸墟落多  
喬木白馬誰家兒翩翩  
相馳逐

楚山有高士梁國有  
遺老築室旣相隣同  
田復同道糗糒常共  
飯兒孫每更抱忘此  
耕耨勞愧彼風雨好  
蟪蛄鳴空澤鷓鴣傷  
秋草日夕寒風來衣  
裳苦不早

種桑百餘對。種黍三十畝。衣食既有餘。時時會賓友。夏來菰米飯。秋至菊花酒。孺人喜逢迎。稚子解趨走。日暮閉園裏。團團陰榆柳。醕酏乘夜歸。涼風吹戶牖。清淺望河漢。低昂看北斗。數甕猶未開。明朝能飲否。

渭川田家

王摩詰

斜光照墟落。窮巷牛羊歸。野老念僮僕。倚杖候荆扉。雝雝麥苗秀。叢叢桑葉稀。田夫荷鋤立。相見語依依。即此羨閑逸。悵然歌式微。

嘆白髮

我年亦何長。髮髮日已白。俛仰天地間。能爲幾時客。惆悵故山雲。徘徊空日夕。何事與時人。東城復南陌。

南亭懷辛子

山光忽西落。池月漸東上。散髮乘夕涼。開軒臥閑敞。荷風送香



氣竹露滴清響欲取鳴琴彈恨無知音當感此懷故人  
中  
夢想

擬古

常應物

曾氏曰擬詩如學畫當識家數要先得其筆意運  
規製於胸中然後下筆若展畫臨貌雖似亦下矣  
前人擬古既用其意又用其字是盜之也今觀應  
物所擬不規規臨做自成一家語斯可尚矣

辭君遠行邁飲此長恨端已謂道里遠如何中檢艱流水赴大  
壑孤雲還暮山無情尚有歸行子何獨難驅車背鄉國朔風捲  
行跡嚴冬霜斷肌日入不遑息憂權容鬢改寒暑人事易中心  
君詎知冰玉徒貞白

古擬行行重行行

蘭蕙雖可懷芳香與時息豈如凌霜葉歲暮藹頽色折柔將有

贈延意千里客草木知賤微所貴寒不易

右擬庭中有奇對

春至林木變洞房夕含清單君誰能裁好鳥對我鳴良人久燕  
趙新愛移平生別時雙鴛綺留此千恨情碧草生舊跡綠琴歇  
芳聲思將寃夢懽反側寐不成掣衣迷所次起望空前庭孤影  
中自側不知雙涕零

右擬凜凜歲云暮

有客天一方寄我孤桐琴迢迢萬里隔託此傳幽音冰霜中自  
結龍鳳相與吟絃以最直道漆以固交深

右擬客從遠方來

白日淇上沒空閨生遠愁寸心不可限淇水長悠悠芳對正妍  
鬱春禽自相求徘徊東西廂孤妾誰與儔年華逐絲淚一落俱  
不收

右擬明月何皎皎

效陶彭澤

霜露悴百草時菊獨妍華物性有如此寒暑其奈何撥英泛濁  
醪日入會田家盡醉茅簷下一生豈在多

寄全椒山中道士

今朝郡齋冷忽念山中客澗底束荆薪歸來煑白石欲持一尊  
酒遠寄風雨夕落葉遍空山何處尋行跡

郡齋雨中與諸文士燕集

兵衛生盡戟燕寢凝清香海上風雨至逍遙池閣涼煩痾近消  
散嘉賓復滿堂自慙居處崇未覩斯民康理會是非遣性達形  
跡忘鮮肥屬時禁蔬果幸見嘗俯飲一杯酒仰聆金玉章神懽  
體自輕意欲凌風翔吳中盛文史羣彥今汪洋方知大藩地豈  
曰財賦疆

南山詩

韓退之

按宋承旨濂嘗云退之詩初效建安晚自成家勢  
若掀雷挾電撐扶於天地之垠今觀南山詩其雄  
傑竒特誠有掀扶天地之勢若秋懷諸作則法漢  
魏者也學者不可不知

吾聞京城南茲維羣山圍東西兩際海巨細難悉究山經及地  
志茫昧非受授團辭試提挈挂一念萬漏欲休諒不能粗叙所  
經觀嘗昇崇丘望戢戢見相湊清明出稜角縷脉碎分繡蒸嵐  
相瀕洞表裏忽通透無風自飄簌融液煦柔茂橫雲時平幾點  
點露數岫天宇浩修眉濃綠畫新就孤掌有巉絕海浴寒鵬噴  
春陽潛沮如濯濯吐深秀巖巒雖律萃輒弱類含酎夏炎百木  
盛蔭鬱鬱增埋覆神靈日歆歆雲氣爭結構秋霜喜刻轢磔卓立  
癯瘦參差相疊重剛耿陵宇宙冬行雖幽墨水雪工琢鏤新曦

照危峨億丈恒高表明昏無停態傾刻異狀候西南雄太白突  
起莫間筵藩都配德運分宅占丁戊逍遙越坤位詆訐陷乾竇  
空虛寒兢兢風氣較搜激朱維方燒日陰霰縱騰糝昆明大池  
北去覲偶晴晝縣縣窮俯視倒側困清漚微瀾動水面踊躍躁  
猱伏驚呼惜破碎仰喜呀不什前尋徑杜墅全蔽畢原陬崎嶇  
上軒昂始得觀覽富行行將遂窮顛陸煩互走勃然思坼裂擁  
掩難恕者已靈與夸蛾遠賈期必售還疑造物意固護蓄精祐  
力雖能排幹雷電怯呵詬攀緣脫手足踳蹬抵積堯茫然試矯  
首塌塞生向愁威容喪蕭爽近新迷遠舊拘官計日月欲進不  
可又因緣窮其湫凝湛必陰獸魚蝦可俯掇神物安敢寇林柯  
有脫葉欲墮鳥驚救爭銜彎環飛投棄急哺噉旋歸道迴睨達  
拚壯復奏吁嗟信奇怪峙質能化質前年遭譴謫探歷得邂逅  
初從藍田入顧眄勞頸脰時天晦大雪淚目苦矇眊峻塗拖長

氷直上若懸溜褰衣步推馬顛蹶去且復蒼黃忘遐晷所矚纒  
左右杉篁唅蒲蘇杲耀攢介胄專心憶平道脫險逾避臭昨來  
逢清霽宿願忻始副崢嶸躋冢頂倏閃雜麗馳前低劃濶濶爛  
漫堆衆皴或連若相從或蹙若相闔或妥若弭伏或竦若驚雉  
或散若瓦解或赴若輻湊或翩若船遊或決若馬驟或背若相  
惡或向若相佑或亂若抽筍或嶮若炷灸或錯若繪畫或縹若  
篆籀或羅若星離或翳若雲逗或浮若波濤或碎若鋤耨或如  
賁育倫賭勝勇前購先強勢已出後鈍嗔詎譎或如帝王尊叢  
集朝賤幼雖親不棄狎雖遠不悖謬或如臨食素肴核紛釘餽  
又如遊九原墳墓包擲柩或纍若盆甕或揭若甕豆或覆若曝  
鼈或頽若寢獸或蜿若藏龍或翼若搏鷲或齊若友朋或隨若  
先後或迸若流落或顧若宿留或戾若仇讎或密若婚媾或儼  
若峨冠或翻若舞袖或屹若戰陣或圍若蒐狩或靡然東注或

偃然北首或如火嘻焰或若氣饋餽或行而不輟或遺而不收  
或斜而不倚或弛而不毅或赤若禿鬚或燠若柴槲或如龜折  
兆或若卦分繇或前橫若剝或後斷若姤延延離又屬夫夫叛  
遠遘喁喁魚闖萍落落月經宿閭閭對牆垣嘯嘯架庫廐參參  
削劔戟煥煥銜瑩瑋敷花披萼關關屋摧雷悠悠舒而安兀  
兀狂以狂超超出猶奔蠢蠢駭不懋大哉立天地經紀肖營滕  
厥初孰開張僂倪誰勸侑創茲朴而巧戮力忍勞疚得非施斧  
斤無乃假詛呪鴻荒意無傳功大莫酬僂嘗聞於祠官芬苾降  
歆嗅斐然作歌詩惟用替報酌

秋懷

牕前兩好對  
聚葉光疑疑  
秋風一披拂  
策策鳴不已  
微燈照空  
牀夜半偏入耳  
愁憂無端來  
感歎成坐起  
天明視顏色  
與故不相  
侶義和驅日月  
疾急不可恃  
浮生雖多塗  
趨死惟一軌  
胡爲

浪自苦得酒且歡喜

離離挂空悲。感感抱虛驚。露泣秋對高。蟲弔寒夜永。歛退就新  
懦。趨營悼前猛。歸愚識夷塗。汲古得修綆。名浮猶有耻。味薄真  
自幸。庶幾遺悔尤。即此是幽屏。

霜風侵梧桐。衆葉著封乾。空塔一片下。瑤若摧琅玕。謂是夜氣  
滅。望舒霄其團。青冥無依倚。飛輒危難安。驚起出戶視。倚楹久  
汎瀾。憂愁費晷景。日月如跳丸。迷復不計遠。爲君駐塵鞍。  
鮮鮮霜中菊。旣晚何用好。揚揚弄芳蝶。爾生還不早。運窮兩值  
遇。婉孌死相保。西風螫龍蛇。衆木日凋稿。由來命分爾。泯滅豈  
足道。

青青水中蒲

青青水中蒲。下有一雙魚。君今上隴去。我在與誰居。  
青青水中蒲。長在水中居。寄語浮萍草。相隨我不如。



青青水中蒲葉短不出水婦人不下堂行子在萬里

初秋夜坐贈吳武陵

柳子厚

稍稍雨侵竹翻翻鵲驚叢美人隔湘浦一夕生秋風積霧香難  
極滄波浩無窮相思豈云遠卽席莫與同若人抱竒音朱弦絀  
枯桐清商激西瀨泛灑凌長空自得本無作天成諒非功希聲  
闕大標離俗何由聰

界圍巖水簾

界圍隴湘曲青壁環澄沅懸泉粲成簾羅注無時休韻磬叩凝  
碧鏘鏘徹岩幽丹霞冠其顛想像凌虛遊靈境不可狀鬼工諒  
難求忽如朝王皇天冕墜前旒楚臣昔南逐有意仍丹丘今我  
始北旋新詔釋縲囚采真誠眷戀許國無淹留再來寄幽夢遺  
佇催行舟

南澗中題

秋氣集南澗獨遊亭午時迴風一蕭瑟林影久參差始至若有  
得稍深遂忘疲羈禽響幽谷寒藻舞淪漪去國覓已遊懷人淚  
空垂孤生易爲感失路少所宜索莫竟何事徘徊祇自知誰爲  
後來者當與此心期

與崔策登西山

鶴鳴楚山靜露白秋江曉連袂度危橋縈迴出林杪西岑極遠  
目毫末皆可了重疊九疑高微茫洞庭小迴窮兩儀際高出萬  
象表馳景泛頽波遙風逝寒篠謫居安所習稍厭從紛擾生同  
胥靡遺壽等彭鏗天蹇連困顛踣愚蒙怯幽耿非令親愛踈誰  
使心神悄偶茲道山水得以觀魚鳥吾子幸淹留緩我愁腸統

讀書

幽沉謝世事俛默窺唐虞上下通古今起伏千萬途遇欣或自  
笑感戚亦以吁縹帙各舒散前後互相逾瘴疠搜靈府日與往

昔殊臨文乍了了徹卷兀若無竟夕與誰言但與竹素俱倦極  
更倒臥熟寐乃一蘇欠身展支體吟咏心自愉得意適其適非  
願爲世儒道盡即閉口蕭散捐囚拘巧者爲我拙智者爲我愚  
書史足自悅安用勤與劬貴爾六尺軀勿爲名所驅

長安秋夕

戎昱

八月更漏長愁人起常早閉門寂無事滿地生秋草昨宵西牕  
夢先入荆門道遠客歸去來在家貧亦好

送從叔簡

孟東野

長安離別道宛在東城隅寒草根未死愁人心已枯促促水上  
影遙遙天際途生隨昏曉中皆被日月驅北驥繞山岳南帆指  
江湖高蹤一超忽千里在須臾

美人

陸魯望

美人抱瑤瑟哀怨彈別鶴雌雄南北飛一旦異栖託諒非金石

性安得宛如昨生爲並蒂花亦有先後落秋林對斜日光景自  
相薄猶欲悟君心朝朝朝佩蘭若

傷田家

聶夷中

二月賣新絲五月糶新穀  
驚得眼前瘡剗却心頭肉  
我願君王心化作光明燭  
不照綺羅筵偏照逃亡屋

飛蓋橋翫月

宋歐陽永叔

一本題上有六月十四日夜

天形積輕清水德本虛靜  
雲收風波止始見天水性  
澄光與粹容上下相涵映  
乃於其兩間皎皎挂寒鏡  
餘暉所照耀萬物皆鮮瑩  
矧夫人之靈豈不醒視聽  
而我於此時儵然發孤詠  
紛擘忻洗滌俯仰恣涵泳  
人心曠而闊月色高逾迥  
惟恐清夜闌時時瞻斗柄

獨臥有懷

王介甫

午鳩鳴春陰獨臥林壑靜微雲過一雨浙瀝生晚聽紅綠紛在  
眼流芳與時競有懷無與言作立鍾山暝

陳季常見過

蘇子瞻

仕宦常畏人退居還喜客君來轍館我未覺鷄黍窄東坡有音  
事已種十畝麥但得君眼青不辭奴飯白

送君四十里只使一帆風江邊千對柳落我酒杯中此行非遠  
別此樂固無窮但願長如此來往一生同

妾薄命悼曾南豐作

陳無已

主家十二樓一身當三千古來妾薄命事主不盡年起舞爲主  
壽相送南陽阡忍著主衣裳爲人作春妍有聲當徹天有淚當  
徹泉死者恐無知妾身長自憐

又同前

葉落風不起山空花自紅捐世不待老惠妾無其終一死尚可

忍百歲何當窮天地豈不寬妾身自不容死者如有知殺身以  
相從向來歌舞地夜雨鳴寒蛩

贈東坡

黃魯直

江梅有佳實託根桃李場桃李終不言朝露借恩光孤芳忌皎  
潔冰雪空自香古來和鼎實此物升廟廊歲月坐成晚烟雨青  
已黃得升桃李盤以遠初見嘗終然不可口擲置官道傍但使  
木根在棄捐果何傷

又

青松出澗壑十里聞風聲上有百尺絲下有千歲苓自性得久  
要爲人制類齡小草有遠志相依在平生醫和不並世深根且  
固蒂人言可醫國何用大早計小大材則殊形味固相侶

述懷時任同安簿

朱晦菴

夙尚本林壑灌園無寸資始懷經濟策復愧軒裳姿効官刀筆

聞朱墨手所持謂言殫蹇分詎敢論居卑任小才亦短抱念一  
無施幸蒙大夫賢加惠寬拯答撫已實已優於道豈所期終當  
反初服高揖與世辭

古意

兔絲附襟檉佳木生高岡弱蔓失所依佳木徒蒼翠弱蔓美不同  
根高下末相望相望無窮期相思諒徒爲同車在夢想忽覺淚  
沾衣不恨歲月適但惜芳華姿嚴霜萎百草坐恐及茲時盛年  
不再至已矣不復疑

社後一日作

聖作重品節等級古所詳里有秦社稷僭差遂無章王綱諒已  
隳精意尚不忘尚論千載前簡編有遺芳侃侃陳孺子恂恂萬  
春鄉敬恭事耆老禱賽謹田桑悠悠我里居歲有存故常向來  
諸老翁敦龐亦端莊交神庶或享與物同樂康今我胡不樂悵

然下頽岡古人不可見今人自猖狂

感事有歎

榮華難久恃代謝安可量宿昔堂上飲今歸荒草鄉高臺一以  
傾總帳施空房繁絃旣闌奏緩舞亦輟行桃李白妍華春風自  
飄揚戀幄靡遺思更衣有餘芳身徂名亦滅事往恨空長寄語  
繁華子古今同一傷

遊密菴

弱齡慕丘壑茲山屢遊盤朝躋青冥外暮陟浮雲端晴嵐染襟  
裾水石清肺肝俯仰未云已歲月如飛翰中年塵務牽引脰空  
長嘆曠歲一登歷心期殊未闌矧此親友集笑談有餘懽結架  
迫巒碕徙倚臨奔湍共惜前古秘今爲後來觀落景麗雲木回  
風馥秋蘭林昏景益佳悵然撫歸鞍諒哉故山好莫遣茲盟寒  
將遊雲谷約同行者



躋險擇幽棲。寒蘿結茅屋。疏泉下石潭。種對滿烟谷。時登北原  
上一騁千里目。雲物下透迤。罔巒遠重複。暫辭忽曠歲。再往恨  
牽俗。因悲昨遊侶。或已在鬼錄。暄風悟新陽。一雨欣衆綠。明發  
君莫遲。幽期我當卜。

臥龍菴正侯祠

空山龍臥處。蒼峭神所鑿。下有寒潭幽。上有明河落。我來愛佳  
名。小築寄幽壑。未念千載人。丹心豈今昨。英姿儼繪事。凜若九  
原作寒藻薦芳馨。飛泉奉明酌。公來識此意。顧步慘不樂。抱膝  
一長吟。神交付冥漠。

陶公醉石歸去來館

予生千載後。尚友千載前。每尋高士傳。獨嘆淵明賢。及此逢醉  
石。謂言公所眠。况復巖壑古。縹緲藏風烟。仰看喬木陰。俯聽橫  
飛泉。景物自清絕。優游可忘年。結廬倚蒼峭。舉觴酌潺湲。臨風

一長歎亂以歸來篇

頃以多言害道絕不作詩兩日讀大學誠意章有感  
至日之朝起書此以自箴蓋不得已而有言云

神心洞玄鑒好惡審薰猶云何反自誑悶默還包羞今辰仲冬  
節寤歎得隱憂心知一寸光是彼重泉幽朋來自茲始羣陰邈  
難留行迷亦已遠及此旋吾輟

齋居感興詩二十首 并序

予讀陳子昂感寓詩愛其詞旨幽遠音節豪宕非  
當世詞人所及如丹砂空青金膏水碧雖近乏世  
用而實物外難得自然之奇寶欲效其體作十數  
篇顧以思致平凡筆力萎弱竟不能就然亦恨其  
不精於理而自託於仙佛之間以爲高也齋居無  
事偶書所見得二十篇雖不能探索微妙追迹前

言然皆切於日用之實故言亦近而易知既以自  
警且以貽諸同志云

昆侖大無外。旁礴下深廣。陰陽無停機。寒暑互來往。皇羲古神  
聖。妙契一俯仰。不待窺馬圖。人文已宣朗。渾然一理貫。昭晰非  
象罔。珍重無極翁。爲我重指掌。

吾觀陰陽化。升降八絃中。前瞻既無始。後際那有終。至理諒斯  
存。萬古與今同。誰言混沌死。幻語驚盲聾。

人心妙不測。出入乘氣機。凝冰亦焦火。淵淪復天飛。至人秉元  
化。動靜體無違。珠藏澤自媚。玉韞山含暉。神光燭九垓。玄思徹  
萬微。塵縑今寥落。嘆息將安歸。

靜觀靈臺妙。萬化從此出。云胡自蕪穢。反受衆形役。厚味紛朶  
頤。妍姿坐傾國。崩奔不自悟。馳騫靡終畢。君看穆天子。萬里窮  
轍跡。不有祈招詩。徐方御宸極。

涇舟膠楚澤周綱已陵夷況復王風降故宮黍離離玄聖作春  
秋哀傷實在茲祥麟一以踣反袂空漣而漂淪又百年僭侯荷  
爵圭王章久已喪何復嗟歎爲馬公迷孔業託始有餘悲拳拳  
信忠厚無乃迷先幾

東京失其御刑臣弄天綱西園植紆穢五族沉忠良青青千里  
草乘時起陸梁當塗轉凶悖炎精遂無光桓桓左將軍仗鉞西  
南疆伏龍一奮躍鳳雛亦飛翔祀漢配彼天出師驚四方天意  
竟莫回王圖不偏昌晉史自帝魏後賢蓋更張世無曾連于千  
載徒悲傷

晉陽啓唐祚王明紹巢封垂統已如此繼體宜昏風塵聚瀆天  
倫牝晨司禍凶乾綱一以墜天樞遂崇崇淫毒穢宸極虐燄燔  
蒼穹向非狄張徒孰辨取日功云何歐陽子秉筆迷至公唐經  
亂周紀凡例孰此容侃侃范太史受說伊川翁春秋二三策萬

古開羣家

朱光徧炎宇。微陰耿重淵。寒威閉九野。陽德昭窮泉。文明昧謹  
獨昏迷。有開先幾微。諒難忽善端。本繇繇掩身事。齋戒及此防。  
未然閉關息。商旅絕彼柔道牽。

微月墜西嶺。爛然衆星光。明河斜未落。斗柄低復昂。感此南北  
極。樞軸遙相當。太一有常居。仰瞻獨煌煌。中天照四國。三辰環  
侍房。人心要如此。寂感無邊方。

放勳始欽明。南面亦恭己。大哉精一傳。萬世立人紀。猗歟嘆日  
躋。穆穆歌敬止。戒燠光武烈。待旦起周禮。恭惟千載心。秋月照  
寒水。魯叟何常師。刪述存聖軌。

吾聞庖羲氏。爰初闢乾坤。乾行配天德。坤布協地文。仰觀玄渾  
周一息。萬里奔俯察。方儀靜賸然。千古存悟彼。立象意契此。入  
德門。勤行當不息。敬守思彌敦。

太易圖象隱詩書簡編訛禮樂矧交喪春秋魚魯多瑤琴空寶  
匣絃絕將如何興言理餘韻龍門有遺歌

顏生躬四勿曾子曰三省中庸首謹獨衣錦思尚綱偉哉鄒孟  
氏雄辨極馳騁操存一言要為爾挈裘領丹青著明法今古壘  
煥炳何事千載餘無人踐斯境

元亨播羣品利貞固靈根非誠諒無有五性實斯存世人逞私  
見擊智道彌昏豈若林居子幽探萬化原

飄飄學仙侶遺世在雲山盜啓元命祕竊當生死關金鼎蟠龍  
虎三年養神丹刀圭一入口白日生羽翰我欲往從之脫屣諒  
非難但恐逆天理偷生詎能安

西方論緣業卑卑喻羣愚傳流世代久梯接陵空虛顧盼指心  
性名言超有無捷徑一以開靡然世爭趨號空不踐實蹟彼榛  
棘塗誰哉繼三聖為我焚其書

聖人司教化黷序育群材因心有明訓善端得深培天叙既昭  
陳人文亦褰開云胡百代下學絕教養垂群居競葩藻爭先冠  
倫魁淳風久淪喪擾擾胡爲哉

童蒙時養正遜弟乃其方雞鳴咸盥櫛問訊謹暄涼奉水勤播  
灑種德居室堂進趨極虔恭退息常端莊劬書劇嗜炙見惡逾  
探湯庸言戒羸誕時行必安詳聖塗雖云遠發軔且勿忙十五  
志于學及時起高翔

哀哉牛山木斤斧日相尋豈無萌蘖生牛羊復來侵恭惟皇上  
帝降此仁義心物欲互攻奪孤根孰能任反躬良其背肅容正  
冠襟保養方自此何年秀穹林

玄天幽且默仲尼欲無言動植各生遂德容自清溫彼哉夸毗  
子咕躡徒啾喧但騁言詞好豈知神鑿昏日予昧前訓坐此枝  
葉繁發憤永刊落竒功收一原

逸民詩

元趙子昂

按草蘆云元氏宅土中神皇主天下書傳三千年  
未有如此者其爲開闢以來非常之大變明矣至  
元中嘗聽楊璉真加之言發宋高孝光寧理度諸  
陵焚其骸骨併瘞行宮故址作石浮圖壓其上以  
厭之于時東南士夫君子若謝臯羽龔聖予輩痛  
切至骨窮餓而死于昂四世祖崇憲靖王伯圭實  
孝宗親兄子昂早以宗室子任真州叅軍國亡膺  
薦仕元官至榮祿大夫翰林承旨前輩嘗題其所  
寫雪溪圖有曰如此湖山如此景豈無十畝種瓜  
田今觀逸民諸詩則有以知其好德之心未嘗亡  
也第弗知其詩作於未仕之時乎抑倦游歸老之  
時乎庸書以俟知者考訂云



驅車秣駑馬吾將適齊國聞有魯連子個儻好奇畫一談秦師  
走再說聊城拔功成不受賞高舉振六翮布衣終其身豈復爲  
世役茫茫千載遠安往訪遺跡躊躇東海上向風長太息  
四時相代謝榮耀安足恃瓜田引新蔓不見挑與李知者解其  
會遇坎當復止邵生故秦吏乃亦睹茲理賢哉感我懷三嘆不  
能已

塵事非所便田園久見招歸來三徑中蔚蔚長蓬蒿雖有荷鋤  
倦濁酒且自陶茫茫大化中委運將焉逃唐虞去已遠由來非  
一朝粲粲霜中菊采采忘其勞

早起

馳騫亦已久淹留竟何成疇昔夢至家屋舍還欹傾晨思理垣  
墉夕念鉏榛荆唯恐歲年莫惕然心爲驚歸去叶有難納履斯  
端征未言得安居庶無愧平生

勉學詩

陳子平

子平蘇人隱居行義德學充備張士誠兵入城其  
兄被執子平奔救被害而卒

殘鐙結成花枯木化爲菌凋零如此物秀氣終未盡人心最靈  
智自棄獨何忍聖門本弘大梯磴多接引曾高愚魚委直解配  
頽閱流年急如箭髮白難再顯及時不努力老大徒蠢蠢

對木生有枝子弟教有時七年異男女八歲分尊卑二五事書  
計逢人多禮儀三五學射御四五加冠綬今人漫不省古道當  
如茲欲成高高靈爲爾寬作基欲求深深井與爾遠爲期不聞  
鄒魯學還自姐豆嬉人材日衰少善保膝下兒

兒童聚嬉戲不離父母傍父母顧盼之百憂爲爾忘維此慈愛  
心比同春日光陽和透地脉草木俱芬芳兒身已長大能不念  
往常愉色與婉容傾心奉高堂嗟哉力何短父母恩甚長

上堂拜父母甘旨手自供入廟羅豆遙祀我祖與宗死者魂  
安生者恩義濃一門無二志警歎生春容豈惟薰閭里上聞天  
九重祥雲及膏露滋我庭下松孰去唐虞遠不得身遭逢由來  
豪傑士世世皆時雍

藹藹桑梓對遲遲杖屨音未瞻父母顏已起恭敬心對木手所  
植杖屨身所任此物猶足重况彼鍾愛深父愛我亦愛不問獸  
與禽六親同骨肉何以能相侵

莫驅屋上烏烏有反哺情莫烹池中鴈鴈行如弟兄流觀飛走  
倫轉見天地情人生處骨肉胡不心和平田家一聚散草木爲  
枯榮我願三春日坐光照紫荆同根且並蒂藹藹共生成  
妻賢弭夫禍子孝寬父心不知何人語相傳猶至今室家兩和  
好如鼓瑟與琴二親豈不懽花木羅春陰雖云一尊酒共酌還  
共斟物情動相識安用儲千金家睽在父德豕繫有餘音

內則紀孝養檀弓著哀思寥寥三代音於此猶見之我欲繪作  
圖豈無丹青師丹青狀形體情性那可爲冬夏適溫清芳鮮在  
盤匱二親未飲食如子渴與飢奈何報本心限以百歲期飛禽  
失其曹尚且鳴聲悲創巨痛亦深衰麻交涕洟聖王爲制禮進  
退隨天時千人萬人心一人人心可知

譙人夏侯氏有女志獨高夫家盡蕩滅節義終持操榮華昔共  
享禍患今同遭妾身偶生存勢已埋黃蒿親戚勿訝我人類異  
羽毛引刀斷耳鼻見義不見刀至厚莫如地桑田變波濤精金  
不畏火見此兒女曹

結交須結心取士須取德古交金百鍊古士麟五色如何當世  
人作事多傾側甘言轉相媚內險不可測青青好禾稼生此螟  
與螿堂堂美少年化爲狐與蜮

人心天機在利慾日夜昏好苗莫助長惡木先除根斧斤一時

緩惡木何由斷莫畏根株深所憂筋力短

驅車入東洛策馬上西京所遇何表表莫非公與卿旌旄出廣  
踏百步無人行前驅與後擁不絕如雷聲人生處困阨孰不思  
寵榮此途良足樂此任苦不輕丈夫既許國身作萬里城永懷  
鼎足戒毋使公餽傾

宋學士贈詩用韻以謝

洪武鄭仲誣

我憂何日消正若塵土積心隨道路長目斷山川碧依依江東  
雲卷舒度朝夕皎皎海底蟾升高吐秋色雲月會有時猶可慰  
寥寂我人胡睽違不得從公側年來性命垂百病身已瘠鳴齋  
入仙洲孤鳳伶影隻酒淚向公言爲我重凄惻

賦秦淮送宋仲珩

朱孟辨

春漲曉云云空明澹孤嶼中流送行舟綠波渺南浦鷗從青鏡  
下人立滄溟語素縠淒涼颼圓紋散疎雨桃葉懷舊題後庭歌

吊古因之寄離情前洲采芳杜

冬日何可愛

胡仲伸

冬日何可愛夏日何可畏矯首問羲和羲和不停轡寒燠相代更天運自有常但惜愛日短不及畏日長

鬱鬱孤生桐

鬱鬱孤生桐託根鄒嶧顛皎皎白素絲出自岱畎間一朝奉庭貢妙合良自然桐以爲君琴絲以爲君絃中含希世音置君離別筵征馬慘不嘶僕夫跪當前君行千里道豈惜一再彈南風日泐泐清商動山川和者音已寡聽者今亦難

遊子

袁凱

遊子行萬里母心亦如之陸行有虎豹水行有蛟螭盜賊凌寡弱霧露乘寒飢誰云高堂安中有萬險危寄言里中子親在勿遠離

卷十二

文章辨體卷之十三

海虞後學吳訥編集

古詩四

七言

栢梁詩 說見序題

日月星辰和四時武帝駢駕駟馬從梁來環群國士馬羽林材

去病總領天下誠難治丞相石慶和撫四夷不易哉大將軍刀筆之

吏臣執之御史大夫兒寬撞鍾伐鼓聲中詩太常周建德宗室廣大日益滋

宗正劉安國周衛交戟禁不時衛尉路博德總領從官栢梁臺光祿勳徐自為平

理請讞決嫌疑廷尉杜周修飾輿馬待駕來太僕公孫賀郡國吏功差次

之大鴻臚壺充乘輿御物主治之少府王温舒陳粟萬石揚管箕大司農張成

徼道宮下隨討治執金吾中尉三輔盜賊天下先左馮翊咸宣盜阻南山

為民災右扶風李成信外家公主不可治京兆尹椒房率更領其材詹事陳掌

蠻夷朝賀常舍其典屬國柱枅樽櫨相枝持大枇杷橘栗桃李梅

太官走狗走兔張興魚上林齧妃女唇甘如飴郭舍迨窘詰屈

幾窮哉東方朔

四愁詩

漢張平子

我所思兮在太山欲往從之梁父艱側身東望涕霑翰美人贈  
我金錯刀何以報之英瓊瑤路遠莫致倚逍遙何為懷憂心煩勞  
我所思兮在桂林欲往從之湘水深側身南望涕霑襟美人贈  
我金琅玕何以報之雙玉盤路遠莫致倚惆悵何為懷憂心煩傷  
我所思兮在漢陽欲往從之隴阪長側身西望涕霑裳美人贈  
我貂襜褕何以報之明月珠路遠莫致倚踟躕何為懷憂心煩紆  
我所思兮在鴈門欲往從之雪雰雰側身北望涕霑巾美人贈  
我錦繡段何以報之青玉案路遠莫致倚增歎何為懷憂心煩惋

把酒問月

唐李太白



青天有月來幾時我今停杯一問之人攀明月不可得月行却  
與人相隨皎如飛鏡臨丹闕綠烟滅盡清輝發但見宵從海上  
來寧知曉向雲間沒白兔擣藥秋復春嫦娥孤棲與誰鄰今人  
不見古時月今月曾經照古人古人今人若流水共看明月皆  
如此唯願當歌對酒時月光長照金樽裏

觀元丹丘坐巫山屏風

昔遊三峽見巫山見畫巫山宛相似疑是天邊十二峰飛入君  
家綵屏裏寒松蕭颯如有聲陽臺微茫如有情錦衾瑤席何寂  
寂楚王神女徒盈盈高咫尺如千里翠屏丹崖粲如綺蒼蒼遠  
對園荆門歷歷行舟泛巴水水石潺湲萬壑分煙光草色俱氤  
氛溪花笑日何年發江客聽猿幾處聞使人對此心緬邈疑入  
嵩丘夢綵雲

寄裴施州

杜子美

廊廟之具裴施州宿昔一逢無此流金鍾大鏞在東序冰壺玉  
衡縣清秋自從相遇減多病三歲爲客寬邊愁羌有四岳明至  
理漢二千石真分憂幾度寄書白鹽北苦寒贈我青羔裘霜雪  
迴光避錦袖蛟龍動篋蟠銀鈞紫衣使者辭復命再拜故人謝  
佳政將老已失子孫憂後來况接才華盛

秋風

秋風淅淅吹我衣東流之外西日微天清小城擣練急石古細  
路行人稀不知明月爲誰好早晚孤帆他夜歸曾將白髮倚庭  
樹故園池臺今是非

玄都壇七言六韻寄元逸人

故人昔隱東蒙峰已佩含景蒼精龍故人今居子午谷獨在陰  
崖結茅屋屋前太古玄都壇青石漠漠常風寒子規夜啼山竹  
裂王母晝下雲旗翻知君此計誠長往芝草琅玕日應長鐵鍊

高壘不可攀。致身福地何蕭爽。

送孔巢父謝病歸遊江東兼呈李白

巢父掉頭不肯住。東將入海隨煙霧。詩卷長留天地間。釣竿笑拂珊瑚樹。深山大澤龍蛇遠。春寒野陰風景暮。蓬萊織女同雲車。指點虛無引歸路。自是君身有仙骨。世人那得知其故。惜君只欲苦死留。富貴何如草頭露。蔡侯靜者意有餘。清夜置酒臨前除。罷琴惆悵月照夕。幾歲寄我空中書。南尋禹穴見李白。道甫問信今何如。

送崔五太守

王摩詰

長安廐吏來到門。朱文露網動行軒。黃花縣西九折坂。玉對宮南五丈原。褒斜谷中不容幘。惟有白雲當路冕。子午山裏杜鵑啼。嘉陵水頭行客飯。劍門忽斷蜀川開。萬井雙流滿眼來。霧中遠樹刀州出。天際澄江巴字回。使君年紀三十餘。少年白晢專

城居欲持盡省郎官筆回與臨邛父老書

送費子歸武昌

岑參

漢陽歸客悲秋早  
旅舍葉飛愁不掃  
秋來倍憶武昌魚  
夢著班超在巴陵  
道會隨上將  
過祁連離家十年  
恒在邊  
劔峰可惜虛用  
盡馬蹄無事今已穿  
知君開館恒愛客  
樽蒲百金每一擲  
平生有錢將與人  
江上故園空四壁  
吾觀費子毛骨竒  
廣看大口仍赤髭  
看君失路尚如此  
人生貴賤那得知  
高秋八月歸南楚  
東門一壺聊出祖  
路指鳳凰山北雲  
衣霑鸚鵡洲邊雨  
莫嘆蹉跎白髮新  
應須守道勿羞貧  
男兒何心戀妻子  
莫向江村老却人

喜韓樽相過

三月灞陵春已老  
故人相逢耐醉倒  
甕頭春酒黃花脂  
祿米只充沽酒資  
長安城中足年少  
獨共韓侯開口笑  
桃花點地紅班班  
有酒留君且莫還  
與君兄弟日携手  
世上浮名好是閑

九月九日酬顏少府

高逵夫

危前白日應可惜  
籬下黃花爲誰有  
行子迎霜未授衣  
主人得錢始沽酒  
蘇秦顛顛人多厭  
蔡澤棲遲世看醜  
縱使登高只斷腸  
不如獨坐空搔首

畫馬

君疾櫪上驄貌在丹青中  
馬毛連錢蹄鐵色  
圖畫光輝驕玉勒  
馬行不動勢若來  
權奇蹴踏無塵埃  
感茲絕代稱妙手  
遂令談者不容口  
麒麟獨步自可珍  
駑駘萬足知何有  
終未如他櫪上驄  
載華轂騁雙飛  
馮荷君勇拂與君用  
一日千里如旋風

送陳章甫

李頎

四月南風大麥黃  
棗花未落桐葉長  
青山朝別暮還見  
嘶馬出門思舊鄉  
陳侯立身何坦蕩  
虬鬚虎眉仍大頰  
腹中貯書一萬卷  
不肯低頭在草莽  
東門沽酒飲我曹  
心輕萬事如鴻毛  
醉臥

不知白羽暮有時空望孤雲高長河浪頭連天黑津吏停舟渡  
不得鄭國遊人未及家洛陽行子空嘆息聞道故林相識多罷  
官昨日今如何

代賀教令譽贈沈千運

相逢問姓名亦存別時無子今有孫山上雙松長不改自家惟  
有二三家村南村西遠鳥道信宿通舟水浩浩澗中磊磊十里  
石河上游泥種桑麥平坡塚墓皆我親滿田主人是舊客名譽聲酸  
鼻問同年十人七人歸下泉分手如何更此地迴頭不去淚潸然

同張侍御宴北樓

儲光羲

今之大岬古諸侯出入雙旗番七旒朝覽干戈時聽訟暮延賓  
客復登樓西山漠漠嶺巖色北渚沉沉江漢流良宵清淨方  
會繡服光輝聯皂蓋魚龍恍惚階墀下雲霧杳冥廳戶外水  
慄慨行泣珠游女飄緜思解珮蒼蒼低月半遙城落落疎簾

太清不忍開襟悲楚奏願言吹笛退胡兵軒后青丘埋復偷周  
王白羽掃攬槍期君武節朝龍闕予亦翱翔歸玉京

夜歸鹿門

孟浩然

山寺鳴鐘晝已昏漁梁渡頭爭渡喧人隨沙岬向江村余亦乘  
舟歸鹿門鹿門月照開烟對忽到龐公樓隱處巖扉松徑長寂  
寥惟有幽人自來去

湖中對酒作

張正言

夜坐不厭湖上月晝行不厭湖上山眼前一樽又長滿心中萬  
事如等閑主人有黍萬餘石濁醪數斗應不惜即今相對不盡  
懽別後相思復何益茱萸灣頭歸路賒願君且宿黃公家風光  
若此人不醉參差孤負東園花

聽笛

劉文房

舊游憐我長沙謫載酒沙頭送遷客天涯望月自霑衣江上何

人復吹笛橫笛能令孤客愁綠波淡淡如不流商聲寥亮羽聲  
苦江天寂歷江楓秋靜聽關山聞一叫三湘月色悲猿嘯又吹  
楊柳激繁音千里春色傷人心隨風飄向何處落唯見曲盡平  
湖深明發與君別離後馬上一聲堪白首

漁翁

柳子厚

漁翁夜傍西巖宿曉汲清湘然楚竹煙銷日出不見人欸乃一  
聲山水綠迴看天際下中流巖上無心雲相逐

田家留客

王仲初

人客少能留我屋客有新漿馬有粟遠行僮僕應苦飢新婦厨  
中炊欲熟不嫌田家破門戶蚕房新泥無風土行人但飯莫畏  
貧明府上來何辛苦丁寧回語屋中妻有客勿令兒夜啼雙井  
直西有縣路我教丁男送君去

田家



男顏欣欣女顏悅人家不怨言語別五月雖熱麥風清簷頭索  
索線車鳴野蚕作蠶人不取葉間撲撲秋蛾生麥收上場絹在  
軸的知輪得官家足不望入口復上身且免向城賣黃犢田家  
衣食無厚薄不見縣門身即樂

河之水二首寄于姪老成

韓退之

河之水去悠悠我不如水東流我有孤姪在海陬三年不見寄  
使我生憂自復日夜復夜三年不見汝使我髣髴未老而先化  
河之水悠悠去我不如水東注我有孤姪在海浦三年不見寄  
使我心苦采薇于山緡魚于淵我徂京師不遠其還

桃源圖

神仙有無何湫荒桃源之說誠荒唐流水盤迴山百轉生綃數  
幅畫中堂武陵太守好事者題封遠寄南宮下南宮先生忻得  
之波濤入筆驅文辭文工畫妙各臻極異境恍惚移於斯架巖

繁谷開宮室接屋連牆千萬日羸顛劉歊了不聞地坼天分非  
所血種桃處處惟開花川原近遠蒸紅霞初來猶自念鄉邑歲  
久此地還成家漁舟之子來何所物色相猜更問語大蛇中斷  
養前王羣馬南渡開新主聽終辭絕共悽然自說經今六百年  
當時萬事皆眼見不知幾許猶流傳爭持酒食來相饋禮數不  
同樽俎異月明伴宿玉堂空骨冷魂清無夢寐夜半金鷄啁啾  
鳴火輪飛出客心驚人間有累不可住依然離別難爲情船開  
棹進一廻顧萬里蒼蒼煙木暮世俗寧知僞與真至今傳者武  
陵人

哭梅聖俞

宋歐陽永叔

歐公知聖俞而不薦詩中乃歸之命不識何謂

昔逢詩者伊水頭青山白馬渡伊流灘聲八節響右樓坐中辭  
氣凌青秋一飲百盞不言休酒酣思逸語更道河南丞相稱賢

侯後車日載枚與鄒我年最少力方優明珠白璧相報投詩成  
希深擁鼻謳師魯卷舌藏戈矛三十年間如轉眸屈指十九歸  
山丘凋零所餘身百憂晚登玉墀侍珠旒詩老壘鹽太學愁班  
離會合謂無由此會天幸非人謀頽鬢已白齒根浮子年加我  
貌則不歡猶可強閑屢偷不覺歲月成淹留文章落筆動九州  
金甌過午無饋餽良時易失不早收篋積瓦礫遺琳瓊薦賢轉  
石古所尤此事有職非吾羞命也難知理莫求名聲赫赫掩諸  
幽翩然素旄歸一舟送子有淚流如溝

虎圖

王介甫

壯哉非羆亦非羆目光夾鏡當坐隅橫行安尾不畏逐顧盼欲  
去仍躊躇卒然一見心爲動熟視稍稍摩其鬚固知畫者巧爲  
此此物安肯來庭除想當盤礴欲盡時睥睨衆史如庸奴神閑  
意定始一掃功與造化論錙銖悲風颯颯吹黃蘆上有寒雀驚

相呼槎牙死樹鳴老鳥向之俛嚼如哺雛山牆野壁黃昏後馮  
婦遙看亦下車

定惠院海棠

蘇子瞻

江城地瘴蕃草木只有名花苦幽獨嫣然一笑竹籬間桃李漫  
山總龕俗也知造物有深意故遣佳人在空谷自然富貴出天  
姿不待金盤薦華屋朱唇得酒暈生臉翠袖卷紗紅映肉林深  
霧暗曉光遲日暖風輕春睡足雨申有淚亦悽慘月下無人更  
清淑先生食飽無一事散步逍遙自捫腹不問人家與僧舍拄  
杖敲門看修竹忽逢絕艷照衰朽歎息無言揩病目陋邦何處  
得此花無乃好事移西蜀寸根千里不易到嗒子飛來定鴻鵠  
天涯流落俱可念爲飲一樽歌此曲明朝酒醒還獨來雲落紛  
紛那忍觸

書王定國所藏煙江疊嶂圖王云自卿畫

江上愁心王疊山。浮空積翠如雲煙。山耶雲耶遠莫知。煙空雲  
散山依然。但見兩岬蒼蒼暗。絕谷中有百道飛來泉。繁林絡石  
隱復見。下赴谷口爲奔川。川平山開林麓斷。小橋野店依山前。  
行人稍度喬木外。漁舟一葉江吞天。使君何從得此本。點檢毫  
末分清妍。不知人間何處有此境。徑欲往置二頃田。君不見武  
昌樊口幽絕處。東坡先生留五年。春風搖江天漠漠。暮雲捲雨  
山娟娟。丹楓翻鴉伴水宿。長松落雪驚醉眠。桃花流水在人世。  
武陵豈必皆神仙。江山清空我塵土。雖有去路尋無緣。還君此  
畫三嘆息。山中故人應有招我歸來篇。

二月見梅

唐子西

桃花能紅李能白。春深何處無顏色。不應尚有一枝梅。可是東  
君苦留客。向來開處當嚴冬。白者未白紅未紅。只今已是丈人  
行。肯與年少爭春風。

燕思亭

馬子才

李白騎鯨飛上天江南風月閑多年縱有高亭與美酒何人一  
斗詩百篇主人定是金龜老未到亭中名已好紫蟹肥時晚稻  
香黃鷄啄處秋風早我憶金鑾殿上人醉著宮錦烏角巾巨靈  
擘山洪河竭長鯨吸海萬壑貧如傾元氣入胸腹須臾百媚生  
陽春讀書不必破萬卷筆下自有鬼與神我曹本是狂吟客寄  
語溪山莫相憶他年須使襄陽兒再唱銅鞮滿街陌

虞美人草

曾子固

馮門玉斗紛如雪十萬降兵夜流血咸陽宮殿三月紅霸業已  
隨煙燼滅剛強必死仁義王陰陵失道非天亡英雄本學萬人  
敵何須屑屑悲紅粧三軍散盡旌旗倒玉帳佳人坐中老香魂  
夜逐劍光飛青血化爲原上草芳心寂寞寄寒枝舊曲聞來似  
歛眉哀怨徘徊愁不語恰如初聽楚歌時滔滔逝水流今古漢

楚興亡兩丘土當年遺事久成空慷慨樽前爲誰舞

磨崖碑

張文潛

王環妖血無人掃漁陽馬厭長安草潼關戰骨高於山萬里君  
王蜀中老金戈鐵馬從西來郭公凜凜英雄才舉旗爲風偃爲  
雨洒掃九廟無塵埃元功高名誰與紀風雅不繼騷人死水部  
胸中星斗文太師筆下龍蛇字天遣二子傳將來高山七丈磨  
蒼崖誰將此碑入我室使我一見昏眸開百年廢興增歎慨當  
時數子今安在君不見荒涼涪水棄不收時有遊人打碑賣

書磨崖碑後

黃魯直

春風吹船著涪溪扶藜上讀中興碑平生半世看墨本摩挲石  
刻髮成絲明皇不作包桑計顛倒四海由祿兒九廟不守乘輿  
西萬官已作鳥擇栖撫軍監國太子事何乃趣取大物爲事有  
至難天幸爾上皇跼蹐還京師內間張后色可否外間李父頤

指揮南內淒涼幾苟活高將軍去事尤危臣結春陵二三策臣  
甫杜鵑再拜詩安知忠臣痛至骨世上但賞瓊瑤詞同行野僧  
六七輩亦有文士相追隨斷崖蒼蘚對久立凍雨爲洗前朝悲

雪

歐陽永叔

時在穎州玉月梨梅練絮白舞鵝鶴銀等皆勿用  
新陽力微初破萼客陰用壯猶相薄朝寒稜稜風莫犯暮雪綏  
綏止還作驅馳風雲初慘淡炫晃山川漸開廓光芒可愛初日  
照潤澤終爲和氣爍美人高堂晨起驚幽士虛牕靜聞落酒壚  
成徑集餅鬻獵騎尋蹤得狐貉龍蛇掃處斷復續猊虎圍城呀  
且攫共貪終歲飽牟麥豈恤空林飢鳥雀沙墀朝賀逆象笏桑  
野行歌沒芒屨乃知一雪萬人喜顧我不飲胡爲樂坐看天地  
絕氛埃使我胸襟如洗滌脫遺前言笑塵雜搜索萬象窺冥漠  
穎雖陋邦文士衆巨筆人人把矛槊自非我爲發其端凍口何



田開一喙

聚星堂雪 有序

蘇子瞻

元祐六年小雪會飲聚星堂忽憶文忠公作守時  
雪中約客賦詩禁體物語爾來四十餘年其有繼  
者僕以老門生繼公後雖不足追配而賓客之美  
不減當時公二子又適在郡輒舉前令各賦一篇  
廳前暗響鳴枯葉龍公試手初行雪映空先集疑有無作態斜  
飛正愁絕衆賓起舞風竹亂老手先醉霜松折恨無翠袖點橫  
斜祇有微燈照明滅歸來尚喜更鼓暗晨起不待鈴索掣夫嫌  
長夜作衣被却怕初陽生眼懶欲浮太白追餘賞幸有回颺驚  
落屑模糊檜頂獨多時歷亂瓦溝裁一瞥汝南先賢有故事醉  
翁詩話誰續說當時號令君聽取白戰不許持寸鐵

十一月二十六日松風亭下梅花盛開





暖雖有步障難爲溫羞同桃李媚春色敢與葵藿爭朝暎歸來  
只有修竹伴寂歷自掩踈籬門亦知真意還有在未覺浩氣終  
難言一杯勸汝吾不淺要汝共保山林罇

丁丑冬在溫陵陪敦宗李文和東坡梅花詩昨日見  
梅追省前事忽忽五年再和一篇呈諸友同賦

江梅欲破江南村無人解與招芳魂朔雲爲斷蜂蝶信凍雨一  
洗煙塵昏天憐絕艷世無匹故遣寂寞依山園自欣羗笛娛夜  
未未要鄒律回春溫連娟窺冰墮殘月的皦泣露晞晨暎海山  
清游記玉面衰病此日空柴門相逢不敢話疇昔能賦豈必皆  
成言雕鑄肝腎竟何益况復制酒哦空罇

歸去來圖

元劉夢吉

夢吉名因號靜修辭官隱居以終

淵明豪氣昔未除翺翔八表凌天行  
荒徑手自鋤草中悲

生劉寄奴中年欲與夷皓俱晚節樂地歸唐虞平生磊磊一物  
無停雲懷人早所圖有酒今與麀通沾眼中之人不可呼哀歌  
撫卷聲嗚嗚

望懌山

趙子昂

東方巨鎮宗岱宗群山列侍臣妾同西南崛起一萬仞却立石  
窟如爭雄何年天星下天宮墜地化作青芙蓉外如刻削中空  
同閩風玄圃遙相通我昔東游訪青童滌仙邀我游中峰悔不  
絕粒巢雲松失身誤落塵網中如今可望不可到艤舟空羨冥  
飛鴻神仙可學事亦晚安用屑屑悲秋蓬吾聞嶧陽有孤桐鳳  
凰鳴處朝陽紅安得斲爲寶琴獻天子爲民解慍歌南風

題先天觀山水圖

范德機

學仙之人與山爲徒住在匡廬之奧湖江之區張公鍊丹作龍  
虎丹成御氣遊六虛後來作者絕代無復有逸人住玄都玄都

之壇井角孤上摩萬里之黃鵠下伏千尺之飢飈陰森檜筠自  
太古斬種力與開闢俱扶桑朝日挂絕壁照見樓觀青模糊摩  
厓控絃寫哀壑秋雲春露芝田腴我亦人間山澤臞偶隨夔龍  
賓唐虞興來醉倒黃公壚震風三日撼不蘇折花不得度弱水  
揮手始識仙凡殊王堂仙人危與吳遺我茲山之畫圖尋惚數  
戶久歎息無緣置我雙檣蒲獨行幽人不受呼掃葉青澗聽啼  
鳥日暮羅逕相縈紆相縈紆向何處明朝爲借麻姑鵬我亦騎  
之上天去

銅雀臺

陳剛中

古臺百尺生野蒿昔誰築此當塗高上有三千金步搖滿陵松  
栢圍鳳綃西飛燕子東伯勞塵間泉下路迢迢龍帳銀箏紫檀  
槽怨入漳河翻夜濤人生過眼草上露白骨何由見歌舞獨不  
念漢家長陵一杯土玉匣珠襦鎖秋雨

子昂墨竹

虞伯生

吳興畫竹不欲工腕指所至生秋風古來篆籀法已絕上有木  
葉雕蝨虫黃金錯刀交屈鐵大陰作雨山石裂蛟龍起陸真宰  
愁雲暗蒼梧泣湘血吳興之竹乃非竹吳興昔年面如玉波濤  
浩蕩江海空落月年年照秋屋

送戴真人歸越

戴先生日飲五斗醉不得再飲一石不肯眠昨從桃源來兩袖  
携風煙長安道上小兒女拍手攔道呼神仙馬如游籠花如雨  
蹴踏春秋作朝暮東方不作窓間戲上帝還令海邊去海邊玉  
虹夜不收貝宮珠闕皆蛟蚪芝田玉樹久相待天上老仙那肯  
留戴先生鑑湖之水三千丈不可以鑑可以釀明朝亦脫錦袍  
去與汝酣歌釣船上

夏五月武昌舟中觸目

揭曼碩

兩鬢背立鳴雙櫓短簑開合滄江雨青山如龍入雲去白髮何  
人並沙語船頭放歌船尾和蓬上雨鳴蓬下坐推蓬不省是何  
鄉但見雙雙白鷗過

燒筍

陸子方

先生朝盤厭苜蓿筍味得全差勝肉蒼頭掃地犀角出赤燄燒  
空龍尾禿土膏漸渴外欲枯火灰微濕中已熟撥灰可惜衣殘  
錦解籜猶怜膚濯玉青青無分長兒孫草草爲人供口腹李家  
丞相蒸葫蘆石家美人煮豆粥去毛留項有何好擣韭作齏空  
自速不如野人工食淡自辦行厨入脩竹句裏曾參玉版師胸  
中會著箕籜谷主人不問不須嗔昨夜西風響林屋

題陳孝子傳後

張仲舉

百丈山前妾辭主禮賢鎮中子逢母三十年餘一日同白髮相  
看淚如雨阿婆去時未斷乳兒壯得知心獨苦清湖老嫗天所



留逆旅主人神使語歸來桑竹溪之澣婦前持觴孫起舞雙瓜  
生祥表秋圃豈待旌書動官府吳人買妾紛莫數歲滿毋歸遺  
子女巷南巷北不相覓况復山川隔脩阻嗚呼千秋復萬古孝  
子之名在寰宇世上滔滔忘毋人不愧唐昌一杯土

題赤壁圖

主在中

我昔南遊過赤壁曾上磯頭訪遺跡吳魏勝負了無聞一曲漁  
歌楚天碧黃岡仙客峨眉翁道同北海人中龍羈懷得酒逸興  
發扁舟夜泛空明中江山如許誰賓主醉挾飛仙夢中語直將  
天地等浮漚三國周郎曾比數神游八極空畫圖開卷彷彿瞻  
眉頰清風千古凜如在悠悠目斷江雲孤

題青蓮居士像

楊廉夫

天人騎龍飛上天一念下謫三千年長庚文章光照地在古無  
上今無前天台道人一傾倒有如大鵬遇希有烏紗白苧登關

庭天子見之如綺皓萬言倚馬真天材酒酣誤觸玻璃杯忠誠  
白日不照鑑洗夫風雨何時來已費宮牀不爲秦夜郎之天豈  
爲隘八極揮斥列缺鞭素山培塿風雷噫人言捉月采石江豈  
知騎兔長庚傍自非廣寒王虛貯神彩桂殿何處人間涼周郎  
尺素間清揚傲如白月照屋梁千金好事摹七字安得筆光千  
丈強

岳王墓

韓中村

妖星墮地芒角赤龍劔悲吼風蕭瑟中原王氣挽不回將軍一  
死鴻光擲秦家小兒真戲劇播弄造化搖樞極指讎爲親忠爲  
逆隻手上遮天眼力九關茫茫隔天日無由下燭臣愚直臣愚  
萬死不足惜國耻未湔猶憤激古墳埋冤血空碧風雨年年土  
花蝕我恐精忠埋不得白日英魂土中泣請將衰骨斲出荒苔  
痕獻作吾皇補天石

題宋忠簡公誥

洪武宋景濂

忠簡名澤盡忠守汴請高宗還爲汪黃所忌而死  
青城妖祲連雲豬犬羊在都龍在野百年藝祖舊河山萬騎長  
驅若水解京城留守一世豪仰天雪涕風蕭騷起扶白日照河  
北赤手欲障三秋濤義旂戛天天爲泣四方猛士聞風集自期  
徇國與天通豈謂忠言反難入披肝上疏留至尊乘輿不顧東  
南巡拊牀三叫大星落非天棄宋良由人功業無成志可紀古  
來英傑多如此君侯心事漢武侯偉氣英聲冠千祀我來已恨  
生世遲不得親觀忠勇姿每過鄉邑髮猶豎綸誥况是當時爲  
却憶前朝司馬死章蔡羣姦乘間起國雖未亂政先亡萬里蒙  
塵從此始吁嗟黼黻真奴臣賊君致寇肥其身姓名汗眼尚欲  
嘔君侯在位能無嗔侯乎侯乎慎勿嗔誰使彼奴操國鈞君不  
見汴京禮樂正全盛江南杜宇啼天津

題馬圖

劉子高

天馬西來掠西極萬里君門踏雲入紫塞秋迴玉頰明黃河夜  
渡拳毛濕高冠圍人不敢騎拄策却立當前墀半垂絲韁斃青  
草明日銀鞍趁班早

登金陵雨花臺望大江

高季迪

大江來從萬山中山勢盡與江流東鍾山如龍獨西上欲破巨  
浪乘長風江山相擁不相讓形勢爭誇天下壯秦皇空此瘞黃  
金佳氣葱葱至今王我懷鬱塞何由開酒酣走上城南臺坐覺  
蒼茫萬古意遠自荒烟落日之中來石頭城下濤聲怒武騎千  
群誰敢渡黃旗入洛竟何祥鐵鎖橫江未忍固前三國後六朝  
草生宮闕何蕭蕭英雄乘時務割據幾度戰血流寒潮我生幸  
逢 聖人起南國禍亂初平事休息從今四海永爲家不用  
江限南北

文章辨體卷之十三終